


ادبیات ، فنون عسکریه ، بحریه ، تاریخ ،
تجارت ، زراعت ، صنایع ، معارف ، امور
نافه و ! کنجی فقراتدن باحث مصور
جریده در .

هر نوع خصوصیات ایچون غزته نك مدیری
سمادتاو طاهر بك افتدی حضرتلرینه مراجعت
اولنور .

BUREAUX :

Imprimerie Tahir Bey

40, rue de la Sublime-Porte,
STAMBOUL



(ارتقا) نك استانبول و طشره ایچون
بر سنه نك آتونه سی ۳۲ فروشدر .

صحافی بالجله ارباب قله آچیتدره هر ال
قلم طوتان یازده بیلیر .

اداره خانه سی باب عالی جاده سنده ۴۰
نومرولی « معاومات » مطبعه سیدر .

JOURNAL ILLUSTRÉ
IRTIKA

نسخه سی : ۲۰ پاره یه در

جمعه کونلری نشر اولنور فنی و ادبی مصور عثمانلی غزته سیدر

نسخه سی : ۲۰ پاره یه در

بروسه دن نوښار

سياح : محمد ضيا

— مابعد —

ذاتاً قونیه نك وضعیت طبعیه سی ده طبق بر طباق رسم وشكلنددر . افیون قره حصا . ريله قونیه اره سنده کی قطعه وسیعه ده بوهیئنددر . هرايکی جهتی اوقشایان نظر جنوبده تپه لری قارلی ، شمالده ایسه جیلاق وعارضه لی تلال وجباله تصادف ایدر . توصیفنه چالیشدیغمز اووونك اكثر يرلری غیر مزروع اولمغه برابر چایلقدرد .



— استطراد —

اثار عتیقه حقه حقه تدقیقات اجراسی مقصدیه اناطولی شاهانه یی طولاشان اروپا سیاحلرندن بعضیسی اثار مذکورده دن هانکیلرینك حائر قیمت اولدینی هانکی زمانده وجوده کتورلدیکنی ویاخود تاریخ صنایع نفیسه نقطه نظرندن زمانزده بونلردن استفاده ایدیلوب ایدلیه جکنی دوشونمیه رك ودها طوغریسی بیله میه رك کزوب طولاشدق لری بلادوقصبانده ویاخود بالاخره یاییلان مبانی عمومیه لوازم انشائیسی میاننده اثار قدیمه دن رستون یاشلغنه ، برقورنیشه ویاخود برکمری تشکیل ایدن رسمی ونقشلی برمرمر پارچه سنه تصادف ایتد . یلرمی بونی نظر حیرت وتلفله کورده رك « فلان بنانك طاشلری اره سنده اثار قدیمه یه عائد منقوش ومحكوك مرمر بارچه لری کلیشی کوزل یرلشدر ایشدر » یولو بیان مطالعات ایدیلورلر ، حال بوکه دیدیکم کی ؛ بو طاشلرك پك چوغی صنعت سنک تراشی نقطه سندن حائر قیمت اولیلوب پك چوغی ده قبا بر صورتده ایشلمش ویا بوندن بر حقیقت تاریخیه استخراجی غیر قابل بولنش محكوكات عادیه دن بالطبع نظر دقت واهمیتی جلب ایده جك قیمت وماهیتی حائر بولندیغدن اولدق لری برلرده ترك ایدلمش ویاخود که بعض مبانی ومؤ سساتك حین انشالرنده قوللانلمشدر .

راست کلدیکمز محكوك وغیر محكوك بر طاشه اهمیت تاریخیه عطف واسناد ایتك جائز اوله مز . بوکی اثار حقه ده بیان مطالعه ایتك ایچون علم اثار عتیقه ده متخصص اولمق اقتضا ایدر . چوق دفعه کورلمشدر که ، نظارلیمزده حائر قیمت کورین بر طاش اربابی نظرنده دکر سزدر . بزم نظر مزده قیمتسز کورین بر اثار متخصص عننده پك زیاده مقبول ومعتبر اوله ییلور .

اوروپا سیاحلرندن هان بر جوغنگ اثار مذکورده دایر اولان تدقیقاتی پك سطحیدر . معلومات تاریخیه اوله رق دفترلیته قید ایتدک لری شیلرده اوته کندن بریکندن ایشدک لری روایات ونقلیاتدن عبارتدر . باخصوص بونلر ترکیه یه واقف اولدق لردن محللرینه عائد تفصیلاتده دخی خطاری مشهور اولمقده در . هله مبانی مبارکه اوزرلرنده کی کتابه لری قید خصوصنده واقع اولان خطاری دها زیاده نظر دفته النیدر .

خلاصه کلام ، اسکی بر طاشك ایشه یارایوب یارامدیغی ، قیمتی اولوب اولدیغی ییلوب اکاکوره بیان معلومات ایتلی . بوقسه سویلدیکم کی ، مقام تأسفه « فلان یرده ، یاخود زقاغک برکوشه سنده شویله بر طاشه تصادف ایتد » دیمک ارباب فن نظرنده شایان التفات بیانندن اوله مز .

سایه ترقیاتوایه حضرت پادشاهیده اثار عتیقه دن حائر قیمت واهمیت اولانلری مناظر هایونده حفظ ایدلمکده اولدینی کی ولایاتده چیقاریلانلردن بر جوغی ده ولایات والویه مکاتب اعدادیه سنده تشکیل اولنان موزه شعبه لرنده حسن محافظه اولمقده در .



(آسیای صغرا) دخی دنیان اناطولی شاهانه نك بوقسمی كرك طبقات الارض وكرک اتنوگرافی نقطه نظرندن پك زیاده شایان دقت اولوب اراضینك هر نقطه ده بشقه بر شکل وطبیعت اخذ ایتمی سکنه سنك کثرت وتنوعی مدقیقنك بادی اشتعاللری اولمشدر .

ایشته بوسیلرله (آسیا) اسمی من القدیم بوقطعه وسیعه یه علم اولمشدر . شوقدرکه ابتدا لری بواسم ، اناطولی شبه جزیره سنك یالکیز غربیه سنه ویرلشدر . بواسمک زرددن النده یغنه کانجه : زمانزده شرق جهته طوغری اوزانان بوقطعه حقه سده مورخین قدیمه دن (هرودوت) elodoreH روملرك بیاناته عطفاً بواسمک اشخاص اساطیریه دن پرومه تنك زوجهنك اسمی اولدیغی خبر ویریلور . دیگر جهتن لیدیا لیرده بواسمی کندولری ویرمش اولدق لری ، شو حالده موسی الیهك زوجهنه نسبتله دکل ، (قوتیس) ك Cotys اوغلی (آزباس) Asias . اضافه یاد ایدلدیکنی ادعا ایلورلر . حتی (سارد) شهرنده کی (ازباد) قبیله سی ده موسی الیه نسبتله یاد ایدلمکده ایش . ابتداری محدود بر پارچه سنه ویریلان بواسم بالاخره بشقه یرلرده ده تشمیل اولمشدر . زیرا فرات نهرینك شرق طرفه فلرینه دخی (آسیا) دنیلدیکی (هرودوت) ك اثارنده مسطوردر . خلاصه کلام ، (آسیا) اسمنك بتون قطعه یه تشمیل ایدلدیکنی بعض دلائل تاریخیه ایله اکلاشیلور .

(هرودوت) آسیای ایکی به تفریق ایله آسیای علیا واسیا سفلا تسمیه ایدیلور که بوده (قیزیل ایرمق) sylaH نهرینك شرق وغرب جهتلرنده کی اراضی یی اکلاتمق ایچوندرد . جغرافیا نقطه نظرندن آسیای علیا ایله آسیای سفلا نك حدودی هر زمان بر اولمامشدر . میلاددن مقدم اون برنجی عصرده جریان ایدن وقایع دن بحث ایلین مورخین بوقطعه یه (آسیا) نامی ویرمشلردر . اکر اووقت قطعه مذکورده بشقه بر نام ایله یاد ایدلمش اولسه ایدی ، هرودوت ، استرابون کی مورخ ووقعه نویسار اونی ده یازارلردی . نتمک بلاد سائر نك اسمی قدیمه لری ذکر و بیان ایشلردر .

دیگر طرفدن کلوب بوراده اسکان ایدن اقوام قدیمه (آسیا) اسمنی شمیدیک معلوم اولان قطعه وسیعه یه ویرمدک لری وارد خاطر اوله ییلور ، انلر جغرافیا اصطلاحنجه قطعه نمدیمک اولدیغی بیلمدک لری جهته ، ایچرولره طوغری کیتدیکه (آسیا) تعبیری تشمیل ایشلردر . لیدیا لیر (آسیا) یی پك اعلا ییلورلردی . تاریخ قدیمه (آسیای صغرا) تمیزندن بحث اولمخور . رومالیر زماننده ایسه (آسیا ولایتی) دنیلنوردی که . شمالده کائن ممالک یعنی طوروس سلسله جبالنك بری طرفی دیمکدر . فقط بونکه برابر ایروجه براسمی یوغیدی . (استرابون) Sirabon بتون آسیا قطعه سنه نظراً بوراسنه (که رصو تهرز) Chersonnese دیور .

(آسیای صغرا) تعبیری یزانسیلیرك زماننده ایشدلمشدر . (قسطنطین پورفیرورزه نت) بوقطعه یه (اناطولی) نامی ویرمشدر .

استطراد قیلندن اوله رق شوقی ده سویلیه لم که ، لاتینلرك (زهدا) rheda کله سندن بالاخره (اراپه) کله سی تشکیل ایدلمشدر . (شارل تکسیه) اناطولی به دائر یازدینی ائرده ترکرك غایت جسم ومحتشم کاروانسرایلر نأسیس ایدرك کلوب کچلرك استراحتی تأمین وبوصورتله منافع بشریه یه خدمت ایلدک لری سوییلور .



ازاری کوی — آسیای صغرایه دائر معلومات تاریخیه — ارغود خان — ایلفین — ایلفینک میاه معدنیه سی — مؤسسانی — ایلفین کوی — ادخلالات واخراجاتی .

(ازاری کوی) نه ساعت سکزی چاریک کچهرک مواصلت ایتدک . بوزاسنك سطح بچردن اعتباراً ارتفاعی (١٠٣٣) مترده در .

کونش تام قیز غین زماننده ایدی . روزکار ایسه هیچ اسمیه یوردی . بر حالده که ، یپراق بیله اوینامیوردی . واغونك ایچنده متصل ترلیوردق . بوحوالی الیایدیکنه اووه لردن سطح مائللری دن عبارت اولوب اسکیشمر ، کوناهیه ، قره حصار کی هر صورتله فکر ونظری اوقشایه حق منظر یدیه یه ، مصنوعات قدیمه یه تصادف ایده مدیکمز دن پك زیاده صیقیلوردق . ذاتاً یولچیلرك قنم اعظمی اق شهره چیقمش اولدق لردن ، دیگر برایکی واغونده ایلفین وقونیه یه چیقمق اوزره بش اتی کشی قالمش ایدی . بنم بولندیغ واغونده ایسه بر فرد بیله یوغیدی .